

BASES DO CONCURSO DE COMPARSAS – MODALIDADE MÚSICA E LETRA

1. Poderán formar parte do concurso persoas ou entidades, con agrupacións dun mínimo de 10 participantes disfrazados para a ocasión, que previamente efectúen a súa inscrición mediante o envío dun correo electrónico a entroido.imce@coruna.es ou mediante a súa presentación nas oficinas do IMCE (Avda. da Mariña, 18, 15003 A Coruña). O prazo de presentación é de dez días naturais, que se contará desde o día seguinte ao da publicación na páxina web.

A inscrición deberá acompañarse do texto escrito en tamaño A4 e o arquivo sonoro dos dous temas a interpretar no concurso.

A participación de cada grupo consistirá en interpretar dúas cancións co oportuno acompañamento musical durante un tempo máximo de intervención de 4 minutos por canción.

O tempo máximo de permanencia sobre o escenario límitase a 15 minutos, incluídos os minutos de interpretación dos dous temas musicais.

Os temas non poden terse presentado en edicións anteriores do concurso.

2. Establécense os seguintes premios:

PRIMEIRO PREMIO	1.500,00 €
SEGUNDO PREMIO	1.200,00 €
TERCEIRO PREMIO	800,00 €
ACCÉSITS (*)	150,00 €

(*) O número de accésits dependerá do número de participantes, pero nunca será superior a 4, e serán outorgados a aquelas Comparsas que, segundo o Xurado, presenten unhas coplas acordes co espírito do Entroido.

3. A comparsa gañadora terá que interpretar en directo as dúas cancións do concurso, utilizando todos os medios musicais empregados no concurso, o venres 21 de febreiro as 21:00 horas no acto de entronización do Deus Momo que terá lugar no Obelisco. O resto das comparsas participantes, tamén deberán estar presentes no acto de entronización.

Para poder acceder a calquera dos premios é necesario participar no concurso, e formar parte do desfile de carrozas e comparsas que discorrerá desde O Cantón Pequeno ata a Praza de María Pita o sábado 22 de febreiro a partir das 17:30 horas.

Así mesmo, a comparsa gañadora actuará, con todos os seus membros, no programa especial de radio Entroido 2020, que se emitirá en directo o martes 25 de febreiro de 12:20 a 14:00 horas desde o Campo da Leña ou onde se determine pola organización se as condicións meteorolóxicas non permiten a súa realización nese lugar.

4. O concurso resolverase nun Festival que terá lugar o domingo 15 de febreiro ás 18:00 horas no Teatro Colón.

5. A orde de actuación será determinada pola organización.

No caso de que se reciban máis de 7 inscricións, realizarase unha selección previa por parte dos técnicos do IMCE.

6. Cada colectivo deberá presentar a documentación que se lle precise, así como aterse ás instrucións de emerxencia que lles indiquen, e, deberán ter o seu propio plan de seguridade que se incluírá no Plan de emerxencia.

7. Todos os participantes deberán dispoñer de seguro de asistencia sanitaria ante calquera incidente que poida xurdir durante a celebración da actividade.

8. O Xurado estará composto pola Ilma. Sra. Alcaldesa - Presidenta do Excmo. Concello da Coruña ou persoa na que delegue, cinco persoas de recoñecido prestixio e o Sr. Secretario Xeral do Excmo. Concello da Coruña ou persoa en quen delegue, que levantará acta.

9. O importe dos premios quedará suxeito ás retencións que a lexislación vixente establece.

10. O Xurado deliberará e emitirá o seu fallo ao finalizar as actuacións no Teatro Colón, para o que terá en conta a simpatía e agudeza das letras, a natureza da composición musical (orixinal ou non), a correcta execución da interpretación musical e a afinación e o axuste do conxunto coral.

O fallo do Xurado será inapelable.

11. A inscrición no Concurso levará implícita a aceptación das presentes bases.

BASES DO CONCURSO DE CARROZAS

1. Poderán formar parte do concurso persoas ou entidades que previamente efectúen a súa inscrición mediante o envío dun correo electrónico a entroido.imce@coruna.es ou mediante a súa presentación nas oficinas do IMCE (avenida da Marina, 18, 15003 A Coruña), e que se comprometan a construír unha carroza e a asistir con ela ao desfile de carrozas e comparsas, que discorrerá desde o Cantón Pequeno ata a Praza de María Pita o sábado 22 de febreiro a partir das 17:30 horas. O prazo de presentación é de dez días naturais, que se contará desde o día seguinte ao da publicación na páxina web.

2. Lugar de Formación: Cantón Pequeno e Sánchez Bregua. Hora de Formación: 16:15 h.
Por motivos de seguridade e organización, o IMCE resérvase o dereito de cambiar o itinerario.

3. Será obrigatoria a participación dun representante da carroza gañadora do primeiro premio no programa especial de radio Entroido 2020, que se emitirá en directo o martes 25 de febreiro de 12:20 a 14:00 horas desde o Campo da Leña, ou onde se

determine pola organización se as condicións meteorolóxicas non permiten a súa realización nese lugar.

Enténdese por carroza, a estes efectos, unha estrutura de grandes dimensións sobre rodas, ben sexa autopropulsada ou remolcada, confeccionada ao efecto e convenientemente deseñada e decorada.

As carrozas deberán cumprir o esixido no anexo 1 adxunto e respectar a normativa de seguridade aplicable.

4. Non poderán inscribirse como carroza turismos particulares decorados.

5. No caso de que se produzan danos a bens ou persoas durante a construción, organización e/ou posterior desenvolvemento do desfile de carrozas e comparsas, a responsabilidade que se derive será asumida solidaria e integramente polos inscritos como participantes no concurso que á carroza/s correspondan.

6. Establécense os seguintes premios:

PRIMEIRO PREMIO:	1.500,00 €
SEGUNDO PREMIO:	1.200,00 €
TERCEIRO PREMIO:	800,00 €
CUARTO PREMIO	500,00 €
PREMIO ORIXINALIDADE	300,00 €
ACCÉSITS (*):	200,00 €

(*) O número de accésits dependerá do número de participantes, pero nunca será superior a 5, e serán outorgados a aquelas carrozas que, segundo o fallo do Xurado, presenten unha elaboración debidamente coidada.

Para poder acceder a calquera dos premios é necesario facer o percorrido completo do desfile.

7. O Xurado estará composto pola Ilma. Sra. Alcaldesa - Presidenta do Excmo. Concello da Coruña ou persoa en quen delegue, cinco persoas de recoñecido prestixio e o Sr. Secretario Xeral do Excmo. Concello da Coruña ou persoa en quen delegue, que levantará acta.

8. O importe dos premios quedará suxeito ás retencións que a lexislación vixente establece.

9. O Xurado deliberará e emitirá o seu fallo ao finalizar o desfile, para o que terá en conta a singularidade das carrozas e comparsas, os materiais de elaboración, a construción artesanal, a complexidade das construcións, os acabados, a orixinalidade da proposta e a concordancia da carroza coa comparsa á que acompaña.

10. O fallo do Xurado será inapelable.

11. A inscrición no Concurso levará implícita a aceptación das presentes bases.

ANEXO ÁS BASES DO CONCURSO DE CARROZAS

- Cabeza tractora:

- o Cada carroza contará cun tractor ou medio de locomoción que o remolque durante o percorrido. En caso de camión-carroza, non será necesario outro vehículo para remolcar.
- o Estes vehículos a motor cumprirán o establecido no RD 2822/1998 (Regulamento Xeral de Vehículos) e contar con: permiso de circulación, de inspección técnica (ITV) e os seguros correspondentes, baixo responsabilidade das persoas que figuren como inscritos.
- o Os choferes deberán contar co permiso de conducir apropiado para cada vehículo, que deberá estar en vigor á data do evento. Por motivos de seguridade, a Policía Local poderá realizar controis de alcoholemia e/ou drogas segundo lexislación vixente.
- o Os condutores cumprirán o establecido no RD 818/2009 (Regulamento xeral de condutores). Prohíbese o consumo de bebidas alcohólicas.
- o Os vehículos de arrastre deberán ter cheo o depósito de combustible para evitar problemas durante o percorrido pola cidade.

- Remolques – carrozas:

- o As medidas máximas serán dun longo non superior aos 8 metros, dun ancho non superior aos 2,5 metros e dun alto non superior a 4 metros. En ningún caso se poderán exceder as medidas establecidas.
- o Non deberán posuír elementos cortantes e contar con faldóns que protexan e oculten as rodas.
- o Os elementos con puntos de ancoraxe automáticos serán facilmente desmontables e non poderán sobresaír dos laterais.
- o O decorado será de material ignífugo.
- o Os equipos de son e de luz terán que ir protexidos e ocultos. Débese evitar utilizar iluminación mediante velas, petróleo, gas ou calquera outro tipo de combustible.
- o Por motivos de seguridade non se permitirá a reposición de combustible, deberá estar suficientemente dimensionado para evitar a reposición ou levar un grupo de reserva.

- Xerais:

- o Deberá levar un mínimo dun extintor homologado e revisado por carroza. A eficacia mínima do extintor debe ser 21A-113B.
- o Evitarase a utilización de dispositivos lanzallamas nin pirotecnia.
- o Declaración responsable según modelo adxunto.

- o Cada colectivo deberá presentar a documentación que se lle precise, así como aterse ás instrucións de emerxencia que lles indiquen, e, deberán ter o seu propio plan de seguridade que se incluírá no Plan de emerxencia.
- o Todos os participantes deberán dispoñer de seguro de asistencia sanitaria ante calquera incidente que poida xurdir durante a celebración da actividade.

DECLARACION RESPONSABLE – CONCURSO DE CARROZAS

Nome y apelidos:		NIF:
Direccion fiscal a efectos de notificacións:		
Teléfono de contacto a efectos de comunicacións:	Email a efectos de comunicacións:	
Asociación / Colectivo		CIF
Descripcion breve da Carroza:		
Actividade: CONCURSO DE CARROZAS	Día:	Horario:

Eu, _____, con NIF _____, como _____ do colectivo _____, declaro Responsablemente que:

- Estamos en posesión de toda a documentación segundo lexislación vixente da Cabeza tractora e remolque, así como de extintores, e botiquines de primeiros auxilios, durante toda a actividade.

-Cumprimos e temos en vigor o seguro de responsabilidade civil conforme ao apartado 3 da disposición terceira da lei 10/2017 de espectáculos públicos e actividades recreativas da Xunta de Galicia, que establece un importe mínimo de 150.000 €.

A Coruña, a _____ de _____ de 2020.

Sinatura.

Nome e Apellidos. Selo da entidade/empresa.

ADVIRTESELLE QUE: segundo o art. 69 bis da Lei 39/2015, doe 1 de outubro, reguladora do procedemento administrativo común das administracións públicas, a inexactitude, falsidade ou omisión, de carácter esencial, en calquera dato, manifestación ou documento que se acompañe ou incorpore a unha declaración responsable ou a unha comunicación previa ou a non presentación diante da Administración competente da declaración responsable ou comunicación previa, determinará a imposibilidade de continuar co exercicio do dereito ou actividade afectada desde o momento en que se

teña constancia de tales feitos, sen prexuízo das responsabilidades penales, civís ou administrativas a que houber lugar. Así mesmo, a resolución da Administración Pública que declare tales circunstancias poderá determinar o deber do Interesado de restituír a situación xurídica ao momento previo ao recoñecemento ou ao exercicio do dereito ou ao comezo da actividade correspondente, así como a imposibilidade de instar un novo procedemento co mesmo obxecto durante un período de tempo dado, todo iso conforme aos termos establecidos nas normas sectoriais de aplicación.

BASES DO CONCURSO DE COMPARSAS NA MODALIDADE DE VESTIARIO, COREOGRAFÍA E ORIXINALIDADE

1. Poderán formar parte do concurso persoas ou entidades con agrupacións dun mínimo de 10 participantes disfrazados para a ocasión, que previamente efectúen a súa inscrición mediante o envío dun correo electrónico a entroido.imce@coruna.es ou mediante a súa presentación nas oficinas do IMCE (avenida da Marina, 18, 15003 A Coruña), e que se comprometan a asistir ao desfile de carrozas e comparsas que discorrerá desde o Cantón Pequeno ata a Praza de María Pita o sábado 22 de febreiro a partir das 17:30 horas. O prazo de presentación é de dez días naturais, que se contará desde o día seguinte ao da publicación na páxina web.

2. Lugar de Formación: Cantón Pequeno e Sánchez Bregua. Hora de Formación: 16:15 h.

Por motivos de seguridade e organización, o IMCE resérvase o dereito de cambiar o itinerario.

3. Establécense os seguintes premios:

PRIMEIRO PREMIO:	1.500,00 €
SEGUNDO PREMIO:	1.200,00 €
TERCEIRO PREMIO:	800,00 €
CUARTO PREMIO	500,00 €
PREMIO ORIXINALIDADE	300,00 €
ACCÉSITS (*):	200,00 €

(*) O número de accésits dependerá do número de participantes, pero nunca será superior a 15, e serán outorgados a aquelas Comparsas que, segundo o fallo do Xurado, presenten un vestiario debidamente elaborado, unha coreografía ben traballada e unha aposta pola orixinalidade, e estean presentes no desfile de carrozas e comparsas descritos na base 1.

Para poder acceder a calquera dos premios é requisito imprescindible realizar o percorrido completo do desfile de carrozas e comparsas.

Será obrigatoria a participación dun representante da comparsa gañadora do primeiro premio no programa especial de radio Entroido 2020, que se emitirá en directo o martes 25 de febreiro de 12:20 a 14:00 horas desde o Campo da Leña, ou onde se determine pola organización se as condicións meteorolóxicas non permiten a súa realización nese lugar.

4. Cada colectivo deberá presentar a documentación que se lle precise, así como aterse ás instrucións de emerxencia que lles indiquen, e, deberán ter o seu propio plan de seguridade que se incluírá no Plan de emerxencia.
5. Todos os participantes deberán dispoñer de seguro de asistencia sanitaria ante calquera incidente que poida xurdir durante a celebración da actividade.
6. O Xurado estará composto pola Ilma. Sra. Alcaldesa - Presidenta do Excmo. Concello da Coruña ou persoa en quen delegue, cinco persoas de recoñecido prestixio e o Sr. Secretario Xeral do Excmo. Concello da Coruña ou persoa en quen delegue, que levantará acta.
7. O importe dos premios quedará suxeito ás retencións que a lexislación vixente establece.
8. O Xurado deliberará e emitirá o seu fallo ao finalizar o desfile de carrozas e comparsas, para o que terá en conta tanto os disfraces presentados como a singularidade das creacións, os materiais de elaboración, a confección artesanal, a complexidade da confección, a orixinalidade, o volume de elementos presentados, os acabados dos disfraces e os seus complementos, así como a graza para a súa porte e as coreografías que as comparsas desenvolvan durante o desfile.
9. O fallo do Xurado será inapelable.
10. A inscrición no Concurso levará implícita a aceptación das presentes bases.

BASES DO CONCURSO INFANTIL DE DISFRACES

1. Poderán presentarse ao Concurso todos os nenos e nenas que se inscriban o mesmo día da súa realización, desde unha hora antes do seu inicio no lugar no que vai ter lugar (martes 25 de febreiro ás 17:00 horas no Campo da Leña, ou onde se determine pola organización se as condicións meteorolóxicas non permiten a súa realización nese lugar). Poderase participar nunha única modalidade: individual ou de grupo (máis de dous participantes), e non se permite a inscrición en ambas modalidades.
2. Os participantes deberán ser nenos e nenas nados despois do 31 de decembro de 2007.
3. Outórganse os seguintes premios:

MODALIDADE INDIVIDUAL

- | | |
|----------|---|
| Primeiro | Vale de 100 € para Lote de libros de Literatura Infantil. |
| Segundo | Vale de 75 € para Lote de libros de Literatura Infantil. |
| Terceiro | Vale de 50 € para Lote de libros de Literatura Infantil. |

MODALIDADE DE GRUPO

Primeiro	Vale de 150 € para Lote de libros de Literatura Infantil.
Segundo	Vale de 100 € para Lote de libros de Literatura Infantil.
Terceiro	Vale de 75 € para Lote de libros de Literatura Infantil.

4. Os premios entregaranse unha vez finalizado o pase de disfraces e o Xurado efectúe a correspondente deliberación. O Fallo do Xurado será inapelable.

5. A inscrición no Concurso levará implícita a aceptación das presentes bases.

BASES DO CONCURSO INFANTIL DE CHOQUEIROS

1. Poderán presentarse ao Concurso todos os nenos e nenas que se inscriban o mesmo día da súa realización, desde unha hora antes do seu inicio no lugar no que vai ter lugar (martes 25 de febreiro ás 17:00 horas no Campo da Leña, ou onde se determine pola organización se as condicións meteorolóxicas non permiten a súa realización nese lugar). Poderase participar nunha única modalidade: individual ou de grupo (máis de dous participantes), e non se permite a inscrición en ambas modalidades.

2. Os participantes deberán ser nenos e nenas nados despois do 31 de decembro de 2007.

3. Outórganse os seguintes premios:

MODALIDADE INDIVIDUAL

Primeiro	Vale de 100 € para Lote de libros de Literatura Infantil.
Segundo	Vale de 75 € para Lote de libros de Literatura Infantil.
Terceiro	Vale de 50 € para Lote de libros de Literatura Infantil.

MODALIDADE DE GRUPO

Primeiro	Vale de 150 € para Lote de libros de Literatura Infantil.
Segundo	Vale de 100 € para Lote de libros de Literatura Infantil.
Terceiro	Vale de 75 € para Lote de libros de Literatura Infantil.

4. Os premios entregaranse unha vez finalizado o pase de disfraces e o Xurado efectúe a correspondente deliberación. O Fallo do Xurado será inapelable.

5. A inscrición no Concurso levará implícita a aceptación das presentes bases.

BASES DO CONCURSO DE CHOQUEIROS

1. Inscrición de participantes o mesmo día, martes 25 de febreiro de 19:00 a 20:00 horas na entrada principal da Escola Municipal de Música (Rúa da Torre, 67).

Poderase participar nunha única modalidade: individual ou de grupo (máis de dúas persoas), e non se permite a inscrición en ambas as modalidades.

2. O concurso desenvolverase nun escenario instalado na Rúa da Torre confluencia coa Rúa Curros Enríquez ou onde se determine pola organización se as condicións meteorolóxicas non permiten a súa realización nese lugar.

Hora de inicio: 20:00 h.

3. Enténdese por Choqueiros aquelas persoas que, sen utilizar traxes comercializados, disfrázanse utilizando a súa propia inventiva e atavíos convencionais para resultar estrafalarios.

4. Poderán formar parte no Concurso de Choqueiros todas as persoas nadas antes do 1 de xaneiro de 2008.

5. Establécense os seguintes premios:

MODALIDADE INDIVIDUAL

Un primeiro premio de	500,00 €
Tres segundos premios de	300,00 €
Cinco terceiros premios de	150,00 €

MODALIDADE DE GRUPO

Un primeiro premio de	600,00 €
Dous segundos premios de	400,00 €
Tres terceiros premios de	200,00 €

6. Entregaranse ademais 100 lotes de Entroido (1 mini lacón e unha ristra de chourizos), aos primeiros inscritos. Na categoría de grupo entregaranse un máximo de 4 lotes por grupo.

7. A inscrición no Concurso levará implícita a aceptación das presentes bases.